

# basic education

Department:
Basic Education
REPUBLIC OF SOUTH AFRICA

# NATIONAL SENIOR CERTIFICATE

**IGREYIDI 12** 

**ISINDEBELE ILIMI LEKHAYA (HL)** 

**IPHEPHA LESITHATHU (P3)** 

**NOVEMBA 2011** 

**IMITLOMELO: 100** 

ISIKHATHI: ama-iri ama-21/2

Iphepheli linamakhasi asi-6.

## **YELELA**

1. Iphepheli LINEENGABA EZINTATHU, u-A, B kanye no-C.

ISIGABA A: Amatheksti wokuzitlamela (50)

ISIGABA B: Amatheksti amade wokuthintana (30)

ISIGABA C: Amatheksti wokuthintana amithombo, anikela ilwazi,

abukelwako kanye naweendlela ezahlukahlukeneko

zokuthintana (20)

- 2. Khetha imibuzo ukuya ngemilayelo onikelwe yona.
- 3. Phendula umbuzo OWODWA esigabeni ngasinye.
- 4. Thoma umbuzo NGAMUNYE ekhasini ELITJHA.
- 5. Kufuze utlame isib: umebhengqondo, umgwalo/amaflowutjhadi/amagama amumongo ubuyekeze bewulungise neemphoso emsebenzinakho. Umtlamakho awuvele nanyana ubonakale NGAPHAMBI kwendaba.
- 6. Niyayeleliswa kobana nisebenzise okungenani imizuzu ema-80 KUSIGABA A, imizuzu ema-40 KUSIGABA B bese kuthi imizuzu ema-30 kube NGEYESIGABA C. Iimpendulo azinikelwe iinomboro ezifana nalezo eziseenhlokwaneni ezinikelweko.
- 7. Tlola ngesandla esihle nesibonakalako.
- 8. Ngileyo naleyo pendulo ayinikelwe isihloko sayo.
- 9. Ukupeledwa kwamagama nokwakhiwa kwemitjho kuzokuyelelwa khulu.

## ISIGABA A: AMATHEKSTI WOKUZITLAMELA

#### **UMBUZO 1**

Khetha isihloko ESISODWA utlole ngaso indaba engaba magama ama-340–390.

Kufanele utjengise umtlamakho wokuthoma (kungaba ngokukodwa kilokhu: umebhengqondo/idayagramu/amaflowutjhadi/amagama aqakathekileko).

1.1 Kumsebenzi wababelethi babafundi bona bahlole iincwadi zabantwababo ukwenzela ukubasiza lapha bahluleka khona nofana ukuqinisekisa bona bawenza ngefanelo umsebenzabo. Tlola indaba uvumelane nofana uphikisane nombono lo.

[50]

1.2 Tlola indaba uveze amazizwakho bona idemokhrasi ingasetjenziswa bunjani ukuze ithuthukise umnotho wenarha yekhethu le.

[50]

1.3 Tlola indaba uhlathulule ngendawo ongeze wayikhohlwa owakhe wayivakatjhela usesemncani.

[50]

1.4 Tlola indaba ukhombise ukuzisola ngokungazange uyelele, ulalele bewulandele amaginiso ababelethi bakho ebe bakutjela wona usakhula.

[50]


1.5 Tlola indaba uhlathulule ngobujamo owakhe waba kibo ngekumbeni kadorhodere nawuyokuhlolisa umuLwana oBanga iNtumbantonga.

[50]

1.6 Nakuqalwa inengi labentwana abangaphumeleli kuhle ngeenkolweni kutholakala bona libangelwa kuhlukana kwababelethi babo. Tlola indaba uveze amazizwakho ngesihlokwesi.


[50]

1.7 Qalisisa isithombe esingenzasi bese utlola indaba uyisusele kiso. Nikela indabakho isihloko esivifaneleko.



[50]

1.8 Qalisisa isithombe esingenzasi bese utlola indaba uveze ubuhle nobumbi betheknoloji.



[50]

50

**IMITLOMELO YESIGABA A:** 

Phendla

## ISIGABA B: AMATHEKSTI AMADE WOKUTHINTANA

#### **UMBUZO 2**

Khetha isihloko ESISODWA bese utlola ngaso ngamagama ali-100 kufika kwali-120.

2.1 Tlolela iziko eliphakamileko lezefundo olithandako incwadi ubawe isikhala sokufunda ngomnyaka ozako. [30] 2.2 Ababelethi bomnganakho bazomenzela wokumthokoza umnyanya ngokuphumelela kwakhe ngamalengiso eziqwini ze-BSc zakhe kwezokuTlhogonyelwa kweMvelo. Tlola ikulumo elungiselelweko ozoyethula ngelanga lomnyanya lapha kuzabe kumenywe abotitjhere ebe banifundisa, ikhansela lendawo, iinhlobo zomnganakho, abantu abadala nabancani bendawo yangekhenu. [30] 2.3 Ubiziwe bona uzokuhlungelwa umsebenzi wokusebenza nge-ofisini lakasodorobha wendawo yangekhenu. Tlola i-inthavyu ephakathi kwakho namalunga wephanela amathathu. [30] Ungunobhala esontweni lenu, nje-ke benibambe umhlangano ophakathi 2.4 kwamalunga wesonto ngomngopho wokulungisa iindaba eziphathelene nekambiso yesonto lenu. Tlola i-ajenda namaminidi womhlangano loyo. [30] **IMITLOMELO YESIGABA B:** 30

# ISIGABA C: AMATHEKSTI WOKUTHINTANA AMITHOMBO, ANIKELA ILWAZI, ABUKELWAKO KANYE NAWEENDLELA EZAHLUKAHLUKENEKO ZOKUTHINTANA

#### **UMBUZO 3**

Khetha isihloko ESISODWA bese utlola ngaso ngamagama ama-80 kufika kwali-100.

3.1 Ungudorhodere osandukuthola iziqu zakho zokwelapha. Uvule isejari esithabathabeni esiseduze nendawo yekhenu. Tlola **iflaya** wazise abantu ngamalwele othwasiselwe ukuwelapha ukwenzela bona bangasaya kude nabagulako.

[20]

3.2 Ngeveke egadungileko beninekhambo lokuyokululekwa ngamabizelo eningawathatha naniphumelele igreyidi le-12 eYunivesithi yePitori. Tlola edayarinakho/kumalangenakho koke okwenzeke ngalelolanga.

[20]

3.3 Uthengele umzawakho isambatho esibizako nesirhaluka msinya njengesipho omthokoza ngaso ngokunitjhejela ugogwakho ongasaboniko emehlweni. Mtlolele **imilayelo** ekufanele aphathe ngayo isembathweso ukwenzela bona singonakali masinya.

[20]

IMITLOMELO YESIGABA C: 20 INANI LOKE: 100